

დახერხილი ხის მასალის სახელმწიფო შესყიდვის შესახებ
ხელშეკრულება №ლტტ/2017-008
(NAT170004247)

ქ. თბილისი

3 მაისი 2017 წელი

ერთი მხრივ, შპს „ჯიარ ლოგისტიკა და ტერმინალები“ (საიდენტიფიკაციო კოდი: 202462101) შემდგომში - „შემსყიდველი“, წარმოდგენილი მისი დირექტორის, ლევან სულაბერიძის სახით და შპს „ნოუ თაი“ (ს/კ 442262739), შემდგომში - „მიმწოდებელი“, წარმოდგენილი მისი დირექტორის, მელიტონ ნაჭყეხიას სახით, შემდგომში ორივე ერთად წოდებული, როგორც „მხარეები“, ვხელმძღვანელობთ რა „სახელმწიფო შესყიდვების შესახებ“ საქართველოს კანონის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებისა და საქართველოს მოქმედი კანონმდებლობის საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 “ხელშეკრულება სახელმწიფო შესყიდვის შესახებ” (შემდგომში - “ხელშეკრულება”) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
- 1.2 “ხელშეკრულების საერთო ღირებულება” - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 “შემსყიდველი ორგანიზაცია” (შემდგომში “შემსყიდველი”) - ორგანიზაცია (დაწესებულება), რომელიც წინამდებარე ხელშეკრულების საფუძველზე ახორციელებს საქონლის შესყიდვას;
- 1.4 “მიმწოდებელი” - პირი, რომელიც ახორციელებს საქონლის მიწოდებას წინამდებარე ხელშეკრულების ფარგლებში.
- 1.5 “საქონელი” - წინამდებარე ხელშეკრულების 2.1 პუნქტით განსაზღვრული ხელშეკრულების საგანი.
- 1.6 „დღე“, „კვირა“, „თვე“ - ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. წინამდებარე ხელშეკრულების საგანია “შემსყიდველის” სახსრებით აუქციონის გარეშე, გამარტივებული ელექტრონული ტენდერის გზით, დანართი №2-ით გათვალისწინებული ტექნიკური მახასიათებლების შესაბამისი 140 მ³ (საერთო

მოცულობა) დახერხილი ხის მასალის (შემდგომში "საქონელი") შესყიდვა. (CPV კოდი 03410000)

3. საქონლის მიწოდების პირობები

- 3.1. "საქონელი" უნდა იყოს ახალი, არ უნდა იყოს ნამყოფი ექსპლუატაციაში და უნდა იყოს ვარგისი ტვირთის უსაფრთხო დამაგრებისა და გადაზიდვისათვის.
- 3.2. იმ შემთხვევაში, თუ "მიმწოდებლის" მიერ მიწოდებული "საქონელი" არ აკმაყოფილებს წინამდებარე ხელშეკრულების 3.1 პუნქტით გათვალისწინებულ მოთხოვნებს, "მიმწოდებელს" დაეკისრება პასუხისმგებლობა ხელშეკრულებით ნაკისრი ვალდებულების შეუსრულებლობის გამო.
- 3.3. "საქონელის" სავარაუდო/დეტალური ზომები მოცემულია წინამდებარე ხელშეკრულების დანართი #2-ში.
- 3.4. "მიმწოდებელმა" "შემსყიდველის" მიერ წინამდებარე ხელშეკრულების დანართი №2-ის გათვალისწინებით წინასწარ მოთხოვნილი ზომების შესაბამისად, უნდა უზრუნველყოს ხის მასალის დახერხვა, დახერხილი ხის მასალის საკუთარი სახსრებით ტრანსპორტირება და "შემსყიდველი"-სთვის მიწოდება "შემსყიდველის" წერილობითი მოთხოვნიდან არაუგვიანეს 10 (ათი) კალენდარული დღის ვადაში.
- 3.5. "საქონლის" მიწოდების ადგილია: ქ. ფოთი ნაბადის უბანი 03/618.
- 3.6. ყოველ ერთ ჯერზე "მიმწოდებლის" მიერ მიწოდებული "საქონლის" რაოდენობა უნდა იყოს არანაკლებ 20 მ³;
- 3.7. "მიმწოდებელი" ვალდებულია წინამდებარე ხელშეკრულებით გათვალისწინებული "საქონელი" მოაწოდოს "შემსყიდველს" ეტაპობრივად, "შემსყიდველის" წერილობითი მოთხოვნის შესაბამისად და წინამდებარე ხელშეკრულების დანართი №2-ით განსაზღვრული ხის მასალის ზომების გათვალისწინებით.
- 3.8. "საქონლის" მიწოდების ვადაა ხელშეკრულების გაფორმებიდან არაუმეტეს ერთი წელი ან/და სახელშეკრულებო თანხის ამოწურვამდე, რომელი გარემოებაც დადგება უფრო ადრე. ყოველგვარი ეჭვის გამორიცხვის მიზნით, "შემსყიდველის" მოთხოვნის საფუძველზე განხორციელებული "საქონლის" ყოველი მიწოდების კონკრეტული ვადა განსაზღვრულია წინამდებარე ხელშეკრულების 3.4 პუნქტით ("შემსყიდველის" წერილობითი მოთხოვნიდან არაუგვიანეს ათი კალენდარული დღის ვადა).
- 3.9. "მიმწოდებელი" ვალდებულია საკუთარი ხარჯებით გასწიოს "საქონლის" მიწოდებასთან დაკავშირებული ნებისმიერი და ყველა თანმდევი მომსახურება (ასეთის საჭიროების შემთხვევაში), რომელიც დაკავშირებულია "მიმწოდებლის" მიერ ამ ხელშეკრულებით ნაკისრი ვალდებულებ(ებ)ის სრულყოფილ და ჯეროვან შესრულებასთან.

4. ხელშეკრულების საერთო ღირებულება და ანგარიშსწორების წესი

- 4.1. ხელშეკრულების საერთო ღირებულებაა 43,120.00 (ორმოცდასამი ათას ასოცი.) ლარი, დღგ-ს გარეშე, ხოლო 50,881.60 (ორმოცდაათი ათას რვაას ოთხმოცდაერთი ლარი და 60 თეთრი) ლარი დღგ-ს ჩათვლით.
- 4.2. ხელშეკრულების საერთო ღირებულება მოიცავს "საქონლის" მიწოდებასთან დაკავშირებულ "მიმწოდებლის" მიერ გასაწევ ნებისმიერ და ყველა ხარჯს, მათ შორის

და არა მხოლოდ "მიმწოდებლის" მიერ დაქირავებული ქვეკონტრაქტორ(ებ)ის (ასეთის არსებობის შემთხვევაში) მიერ შესასრულებელი სამუშაოების ხარჯს.

4.3. ანგარიშსწორების ფორმა: უნაღდო, ეროვნულ ვალუტაში.

4.4. წინამდებარე ხელშეკრულების ფარგლებში ანგარიშსწორება განხორციელდება ეტაპობრივად (ყოველ ჯერზე ფაქტობრივად მიწოდებულ საქონელზე) ფაქტიურად მიწოდებული "საქონლის" თაობაზე მიღება-ჩაბარების აქტის გაფორმების საფუძველზე, "მიმწოდებლის" მიერ წინამდებარე ხელშეკრულების 4.5 პუნქტით გათვალისწინებული დოკუმენტების "შემსყიდველი"-სთვის წარმოდგენიდან 10 (ათი) საბანკო დღის ვადაში.

4.5. ანგარიშსწორების მიზნებისთვის, "მიმწოდებელი" ვალდებულია "შემსყიდველს" წარუდგინოს შემდეგი დოკუმენტები:

- მიღება-ჩაბარების აქტი (დედანი);
- სასაქონლო ზედნადები;
- საგადასახადო ანგარიშ-ფაქტურა.

5. საქონლის მიღება-ჩაბარების წესი

5.1. "მიმწოდებლის" მიერ "საქონლის" მიწოდება და "შემსყიდველის" მიერ მისი მიღება დასტურდება მხარეებს შორის გაფორმებული შესაბამისი მიღება-ჩაბარების აქტი(ებ)ით.

5.2. მიღება-ჩაბარების აქტი მხარეებს შორის გაფორმდება "მიმწოდებლის" მიერ "შემსყიდველი"-სთვის "საქონლის" მიწოდებისა და "შემსყიდველის" უფლებამოსილი პირის მიერ მიწოდებული "საქონლის" ინსპექტირების/შემოწმების შემდგომ.

5.3. "შემსყიდველის" მხრიდან მიღება-ჩაბარების აქტზე ხელს მოაწერს ფოთის ტერმინალის უსაფრთხოებისა და სასაწყობო მეურნეობის უფროსი, ავთანდილ ტურძელაძე. ხოლო „მიმწოდებლის“ მხრიდან შესაბამისი უფლებამოსილი პირი.

5.4. წინამდებარე ხელშეკრულების ადმინისტრატორად განისაზღვროს "შემსყიდველის" მხრიდან მთავარი ინჟინერი, გელა კელაპტრიშვილი (ტელ: 591707910)

5.5. მიღება-ჩაბარების აქტის შედგენიდან 3 (სამი) სამუშაო დღის ვადაში "მიმწოდებელი" ვალდებულია "შემსყიდველს" წარუდგინოს საგადასახადო ანგარიშ-ფაქტურა, საქართველოს მოქმედი კანონმდებლობით დადგენილი წესით.

6. ხარისხი და გარანტია

6.1. "მიმწოდებელი" იძლევა გარანტიას, რომ "საქონლის" მიწოდება განხორციელდება ჯეროვნად, დროულად და კეთილსინდისიერად და მიწოდებული "საქონელი" შეესაბამება წინამდებარე ხელშეკრულებით გათვალისწინებულ მოთხოვნებს.

6.2. მიწოდებულ "საქონელზე" ხარვეზის აღმოჩენის შემთხვევაში, "შემსყიდველი" უფლებამოსილია "მიმწოდებელს" წარუდგინოს პრეტენზია და მოსთხოვოს გამოვლენილი ხარვეზის დაუყოვნებლივ აღმოფხვრა, ხოლო "მიმწოდებელი" თავის მხრივ, ვალდებულია "შემსყიდველის" წერილობითი შეტყობინების მიღებისთანავე დაიწყოს მუშაობა გამოვლენილი დეფექტის აღმოფხვრის ან შეცვლისათვის საჭირო ზომების განსახორციელებლად "შემსყიდველის" მხრიდან რაიმე დამატებითი დანახარჯების გაწევის გარეშე და დაუყოვნებლივ ან/და შესაძლებლობების ფარგლებში

უმოკლეს ვადაში გამოასწოროს დეფექტი საკუთარი ხარჯებით.

- 6.3. "მიმწოდებლის" მიერ წინამდებარე ხელშეკრულების 6.2 პუნქტით გათვალისწინებული ვალდებულების შეუსრულებლობის შემთხვევაში, "შემსყიდველს" უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს "მიმწოდებელს" გამოვლენილი ხარვეზ(ებ)ის გამოსწორებაზე გაწეული ხარჯების ანაზღაურება ან გამოქვითოს ეს თანხა ხელშეკრულების მიხედვით "მიმწოდებლისათვის" გადასახდელი თანხიდან.

7. ხელშეკრულების პირობების შეუსრულებლობა

- 7.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არსებითად დარღვევისათვის წინამდებარე ხელშეკრულებით და საქართველოს კანონმდებლობით დადგენილი წესით.
- 7.2. "მიმწოდებლის" მიერ საქონლის მიწოდების წინამდებარე ხელშეკრულებით გათვალისწინებული ვადების გადაცდენის შემთხვევაში, ყოველი დაგვიანებული დღისთვის, "მიმწოდებელს" ეკისრება პირგასამტეხლო ხელშეკრულების საერთო ღირებულების 0,1%-ის ოდენობით, ამასთან, პირგასამტეხლოს დარიცხვა შეწყდება მას შემდეგ, რაც დარიცხული თანხა მიაღწევს ხელშეკრულების საერთო ღირებულების 5 %-ს.
- 7.3. იმ შემთხვევაში, თუ ვადების გადაცდენისათვის "მიმწოდებლისთვის" დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 3%-ს, "შემსყიდველს" უფლება აქვს ცალხმრივად შეწყვიტოს წინამდებარე ხელშეკრულება.
- 7.4. "მიმწოდებლის" მიერ ხელშეკრულების თვითნებურად/ცალხმრივად შეწყვეტის შემთხვევაში, "მიმწოდებელს" ეკისრება პირგასამტეხლო ხელშეკრულების საერთო ღირებულების 5%-ის ოდენობით.
- 7.5. წინამდებარე ხელშეკრულების ფარგლებში გათვალისწინებული პირგასამტეხლოს მაქსიმალური ზღვრული ოდენობა, რომელიც შეიძლება დაეკისროს "მიმწოდებელს", შეადგენს ხელშეკრულების საერთო ღირებულების არაუმეტეს 5%-ს.

8. ხელშეკრულების შესრულების კონტროლი

- 8.1. "მიმწოდებლის" მიერ წინამდებარე ხელშეკრულებით ნაკისრი ვალდებულებ(ებ)ის შესრულების ინსპექტირებას და ხელშეკრულებით გათვალისწინებული პირობების შესრულების კონტროლს განახორციელებს "შემსყიდველის" მითითებით მისი შესაბამისი, უფლებამოსილი თანამშრომელი.
- 8.2. იმ შემთხვევაში, თუ „შემსყიდველი“ წინამდებარე ხელშეკრულების 8.1 პუნქტით გათვალისწინებული ინსპექტირების/კონტროლის მიზნით გამოიყენებს საკუთარ ან მოწვეულ პერსონალს, ასეთი პირების შრომის ანაზღაურებას უზრუნველყოფს თავად „შემსყიდველი“.
- 8.3. „მიმწოდებელი“ ვალდებულია საკუთარი ხარჯებით უზრუნველყოს "შემსყიდველის" კონტროლის/ინსპექტირების შედეგად გამოვლენილი ყველა ხარვეზის აღმოფხვრა

წინამდებარე ხელშეკრულების 6.2 პუნქტით დადგენილ ვადაში.

8.4. „შემსყიდველის“ მხრიდან ხელშეკრულების შესრულების კონტროლს განახორციელებს შპს ჯიარ ლოგისტიკა და ტერმინალების“ თანამშრომელი (ხელშეკრულების ადმინისტრატორი) გელა კელაპტრიშვილი, რომელიც ასევე უფლებამოსილია წინამდებარე ხელშეკრულების ფარგლებში განახორციელოს „საქონლის“ მიწოდების თაობაზე დაკვეთა და ხელი მოაწეროს შესაბამის მიღება-ჩაბარების აქტ(ებ)ს.

9. მხარეთა უფლება-მოვალეობები

9.1. „შემსყიდველი“ უფლებამოსილია:

9.1.1 კონტროლის შედეგად „მიმწოდებლის“ მიერ ხელშეკრულებით გათვალისწინებული პირობების დარღვევის აღმოჩენის შემთხვევაში, მისცეს „მიმწოდებელს“ მითითება ხარვეზის გამოსწორების შესახებ.

9.1.2 მოითხოვოს ზიანის ანაზღაურება უხარისხო ან/და ვადის გადაცილებით მიწოდებული „საქონელი“-სთვის.

9.1.3 მოსთხოვოს „მიმწოდებელს“ არ გაახმაუროს ის ცნობები და მონაცემები, რომლებიც მისთვის ცნობილი გახდა „შემსყიდველთან“ საქმიან ურთიერთობებში.

9.1.4 მოსთხოვოს „მიმწოდებელს“ „საქონლის“ შეუფერხებელი მიწოდება, წინამდებარე ხელშეკრულებით გათვალისწინებული „მიმწოდებლის“ ყველა და ნებისმიერი ვალდებულების შესრულება და „შემსყიდველის“ წინამდებარე ხელშეკრულებით გათვალისწინებული უფლებების რეალიზაციისათვის ხელშეწყობა.

9.2. „შემსყიდველი“ ვალდებულია:

9.2.1 აუნაზღაუროს „მიმწოდებელს“ მიწოდებული „საქონლის“ ღირებულება წინამდებარე ხელშეკრულებით გათვალისწინებული ვადებისა და პირობების დაცვით.

9.3. „მიმწოდებელი“ უფლებამოსილია:

9.3.1 მოსთხოვოს „შემსყიდველს“ მიწოდებული „საქონლის“ ღირებულების ანაზღაურება წინამდებარე ხელშეკრულებით გათვალისწინებული ვადებისა და პირობების დაცვით.

9.4. „მიმწოდებელი“ ვალდებულია:

9.4.1 წინამდებარე ხელშეკრულებით დადგენილ ვადაში მიაწოდოს „შემსყიდველს“ „საქონელი“, რომელიც სრულად უნდა აკმაყოფილებდეს წინამდებარე ხელშეკრულებით გათვალისწინებულ მოთხოვნებს/პირობებს.

9.4.2 კეთილსინდისიერად, დროულად და ჯეროვნად შეასრულოს წინამდებარე ხელშეკრულებით ნაკისრი ვალდებულებები.

9.4.3 „შემსყიდველის“ მითითებით, წინამდებარე ხელშეკრულებით გათვალისწინებული პირობების დარღვევის აღმოჩენის შემთხვევაში, დაუყოვნებლივ უზრუნველყოს აღმოჩენილი ხარვეზის გამოსწორება.

10. ხელშეკრულების პირობების გადასინჯვა

10.1. წინამდებარე ხელშეკრულების პირობების, მათ შორის „საქონლის“ ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო

ღირებულება ან სხვაგვარად უარესდება ხელშეკრულების პირობები „შემსყიდველი“-სთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების საერთო ღირებულების 10%-ზე მეტი ოდენობით გაზრდა.

10.3. ხელშეკრულების პირობების ნებისმიერი ცვლილება უნდა გაფორმდეს წერილობით და დაერთოს ხელშეკრულებას დანართის სახით, რომელიც ჩაითვლება წინამდებარე ხელშეკრულების განუყოფელ ნაწილად.

11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს გონივრულ ვადაში მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით.

11.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

12. ხელშეკრულების შეწყვეტა

12.1. "შემსყიდველი" უფლებამოსილია ცალმხრივად, სრულად ან ნაწილობრივ შეწყვიტოს წინამდებარე ხელშეკრულება "მიმწოდებლის" მიერ წინამდებარე ხელშეკრულების პირობების შეუსრულებლობის ან/და არაჯეროვნად შესრულების შემთხვევაში.

12.2. "შემსყიდველს" შეუძლია მიიღოს გადაწყვეტილება წინამდებარე ხელშეკრულების მოქმედების ნებისმიერ ეტაპზე ხელშეკრულების ცალმხრივად შეწყვეტის თაობაზე "მიმწოდებლისთვის" შეწყვეტამდე ორი კვირით ადრე წერილობითი შეტყობინების გაგზავნის გზით. ამ შემთხვევაში "მიმწოდებელს" აუნაზღაურდება ფაქტობრივად მიწოდებული "საქონლის" ღირებულება, წინამდებარე ხელშეკრულებით გათვალისწინებული პირობების შესაბამისად.

12.3. ხელშეკრულება შეიძლება შეწყდეს მხარეების ორმხრივი შეთანხმების საფუძველზე ხელშეკრულების მოქმედების ნებისმიერ ეტაპზე.

12.4. წინამდებარე ხელშეკრულების შეწყვეტა "მიმწოდებლის" მიერ ხელშეკრულების პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისათვის გათვალისწინებული პასუხისმგებლობისაგან.

13. დაუძლეველი ძალა (ფორს-მაჟორი)

- 13.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეულ პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.
- 13.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.
- 13.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

14. დავების გადაწყვეტა

- 14.1. წინამდებარე ხელშეკრულების საფუძველზე ან მისგან გამომდინარე წამოჭრილი ნებისმიერი დავა/უთანხმოება მხარეებს შორის გადაწყდება ურთიერთშეთანხმების გზით.
- 14.2. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ საქართველოს სასამართლოს, საქართველოს კანონმდებლობის შესაბამისად.

15. დასკვნითი დებულებები

- 15.1. წინამდებარე ხელშეკრულება ძალაში შედის მხარეების მიერ მისი ხელმოწერის დღიდან და მოქმედებს 2018 წლის 3 ივლისის ჩათვლით.
- 15.2. მხარეები აუნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად.
- 15.3. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 15.4. ყველა ის შემთხვევა და პირობა, რომელიც გათვალისწინებული არ არის წინამდებარე ხელშეკრულებით, განიხილება და გადაწყდება საქართველოს მოქმედი კანონმდებლობის შესაბამისად.
- 15.5. წინამდებარე ხელშეკრულების ყველა პირობა და დებულება ვრცელდება და სავალდებულოა მხარეთა უფლებამონაცვლეთათვის, სამართალმემკვიდრეთათვის, წარმომადგენელთათვის, რწმუნებულთათვის და დასაქმებულთათვის.
- 15.6. წინამდებარე ხელშეკრულების ყველა დანართი, ასევე დამატება, ცვლილება და მათი ყველა დანართი წარმოადგენს წინამდებარე ხელშეკრულების განუყოფელ ნაწილს.
- 15.7. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.8. წინამდებარე ხელშეკრულება შედგენილია ქართულ ენაზე, 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ორი ინახება „შემსყიდველთან“, ხოლო, ერთი - „მიმწოდებელთან“.

მხარეთა რეკვიზიტები და ხელმოწერები:

„შემსყიდველი“

„მიმწოდებელი“

შპს „ჯიარ ლოგისტიკა და ტერმინალები“

შპს „ნიუ თაი“

საიდ. კოდი: 202462101

საიდ. კოდი: 442262739

მის: ქ. თბილისი, თამარ მეფის გამზ. #15

მის.: ჩხოროწყუ სოფ, თაია მე-2 ქ.# 29

ბანკი: სს „ვითიბი ბანკი ჯორჯია“

ბანკი: სს „ლიბერთი ბანკი“

ბანკის კოდი: UGEBGE22

ბანკის კოდი: LBRTGE22

ა/ა: GE21 VT65 0000 0007 7736 07

ა/ა: GE15LB0113178798811000

ტელ: 599 57 18 00

დირექტორი: დიეგო სულაბერიძე

დირექტორი: მელიტონ ხაჭყეზია



ფასების ცხრილი

№	შესყიდვის ობიექტის დასახელება	განზომილება	საერთო სავარაუდო რაოდენობა	ერთეულის ფასი დღგ- ს ჩათვლით	საერთო ღირებულება დღგ-ს ჩათვლით	მოწოდების ადგილი
1	სხვადასხვა ზომის დახერხილი ხის მასალა	მ³	140	363,44	50,881.60	ქ. ფოთი ნაბადის უბანი 03/618

„შემსყიდველი“

„მიმწოდებელი“

დირექტორი: ლევან სულაბერიძე

დირექტორი: მელიტონ ნაჭყებია



ხის მასალის ზომები

დასახელება	განზომილება	საერთო სავარაუდო რაოდენობა	სახეობა	ხის მასალის სავარაუდო ზომები
დახერხილი ხის მასალა	მ³	140	ხის ძელი	100*100*3000მმ
			ხის ძელი	50*100*3000მმ
			ფიცარი	30*150*3000მმ
			ფიცარი	30*150*5000მმ
			ფიცარი	50*200*3000მმ
			ხის ძელი	50*50*3000მმ

„შემსყიდველი“

დირექტორი: ლევან სულაბერიძე



„მიმწოდებელი“

დირექტორი: მელიტონ ნაჭყებია

